

ARUBA ANSE COURANT



Diario



pa Aruba

TRY...
Tropical Cherry
a fine NEW softdrink
from
Tropical Bottling Co.
call: 1773



ANJA 20

DIAMARS 16 JUNI 1959

Nr. 3458

Mr. J. Luns a keda condecora cu Gran Cruz den Orden di Francisco Morazam



Cu motibo d'ie condecoracion aqui di Honduras na Mr. J.M. A.H. Luns, a bini awor na cla e aprecio cu internacionalmente paisnan estranhero ta muntra na e gran homber aqui. Un homber cu por move su mes na tur camina. Un homber cu conoce situacion di cada pais y cu ta apto pa e discuti riba tur sorto di problema. Mr. Luns a hacie meritorio na varios ocasion, no obstante cu mucho bez e sa larga su voz resona na un manera franco sin usa mucho desimulacion. Mr. Luns no ta un persona cu sa tolera, pero e ta bise bo e berdad calco y su opinion ta sano. E ta considera awendia como un dje diplomaatnan di mas grandi cu ta existi den nos epoca y na varios ocasion den discusionnan internacional representantenan di varios pais a queda ta scucha su palabranan cu respet, pasobra e ta un orador elocuente. Mr. Luns ta e mensahero di tur asuntunan problematico di Holanda y masha hopi conflicticonan a ser soluciona p'e y tambe masha hopi relacionnan amistoso entre paisnan mutuo el a tuma na su encargo y a realizonan cu exito.

DEN HAAG, 16/6. — E ministro di asuntunan exterior di Honduras, Dr. Andres Alvarado Puerto, a entrega e ministro di asuntunan exterior di Hulanda, Mr. J.M.A.H. Luns e gran cruz den orde di general Francisco Morazam, durante un recepcion na embahada di Honduras na Dea Haag. E ministro hondurens, kende ta na Hulanda actualmente pa tene discusion cu abogadoan, pa prepara e discusion dje conflicto di frontera entre Honduras y Nicaragua den Corte Internacional, a entrega La Reina e gran cinta di orde di general Francisco Morazam anteriormente.

Dr. Puerto a bise den presencia di representantenan di Corte Internacional y di gobierno, y di e cabezantenan di misionnan diplomatico na Hulanda, cu e ta considera ministro Luns „un dje diplomaatnan mas competente di Hulanda“. El a menciona e bon relacionnan entre Honduras y Hulanda y el a menciona como ehemplo di e bon relacionnan aki, e pacto comercial cu su pais a firma hunto cu Hulanda, Belgica y Luxemburgo. E condecoracion cu e tabatin honor di entrega e ministro hulandes a ser establece en conmemoracion di e heroe mas grandi di Merca Central, asina Dr. Puerto a bise.

Ministro Luns a tene un discurso di gratitud, mencionando e lazonan entre Hulanda y Merca Central. Pa medio dje partidonan na ultramar di Reino Surinam y Antillas Hulandes. El a bise cu el a ricibi e condecoracion cu hopi aprecio.

Misa pa defunta mama di Pastoor Burgermeester

ORANJESTAD: — Ayera noch na misa di San Francisco na Oranjestad abatin un misa di requiem solemn pa mama di pastoor Burgermeester O.P. kende poco dia pasa a muri na Hulanda. Pastoor mes a hacie e misa.

Saludos di Hulanda

ORANJESTAD: — Diarazon anochi, esta mayan, e programa di saludos for di Hulanda lo ser transmiti trobe via Voz di Aruba. E biaha aki e saludonan ta di Regitta Lashley, kende ta na Amersfoort, y John Herwood y Reginald y Hubert Oduber, kendenan ta na Internaat „Titus Brandsma“ na Nijmegen. E mes un programa lo ser ripit diasabra pa 1.45 p.m.



Inauguracion di Boekhandel „Mariska“

ORANJESTAD: — Bao di enorme entusiasmo Boekhandel „Mariska“ den Enmastraat di senyor Rijdsdijk a keda inaugura ayera. Cantidad di hende a bin felicita senyor Rijdsdijk cu e bunita iniciativa aki y a la vez nan a proba e dje ocasion pa tira un bista rond den e negoshi, na unda ademas di boekmanan tin un surtido grandi di articulonnan pa oficina y pa school. E graciosa Mariska, jiu mihue di senyor Rijdsdijk a habri e negoshi nobo, kende riba e portret aki un banda nos ta mira riba haza di su tata. Deputado E. O. Petronka kende tabata e prome comprador, ta para un banda sonriendo. Nos ta desea senyor Rijdsdijk hopi exito cu su excelente negoshi!

TEXAS FURNITURE STORE
voor
Duchess Washing Machines



ORANJESTAD —

Descansando
Diasabra atardi polisnan di Noord a hanja P.D. ta drumi den su auto cu tabata parkeer banda di terreno di RCA. Despues cu nan a lamante carinosamente ta parse cu e homber tabata bao di influencia di alcohol. Pa seguridad di su mes y di otro hende, polisnan — bao di resistencia — a hibeles warda.

E plan a fracasa?

Den anochi di Diasabra pa Diadomingo A.W. a bai bise polisnan cu desconfianza a hiba su auto A-5603, cual tabata parkeer banda di RCA Club. Despues polisnan a bin hanja e auto banda di Catiri, na unda e auto tabata basta kibra contra un muraya di piedra. Un investigacion ta trece na claridad, cu tin posibilidad cu ta e donjo A.W. mes a corre dal su auto contra e muraya y despues a hazi informacionnan falsu na polisnan.

Pelea
Diadomingo mainta polisnan a worde yama pa un pelea cu tabatin den Nassaustraat, pero ora cu e polisnan a yega ya e pelea a stop caba. Parce cu e tercionan M.T. M.I. y N.E.C. tabatin diferente opinion cu otro tocante un senjorita. E caso a worde pasa pa recherche.

Rancho palma cu raiz y tur

E mes anochi polisnan a worde avisa cu e chofer di A-948 banda di Royal Den Bar na Oranjestad a dal contra un palma y a sakele afo cu raiz y tur. Como polisnan no por a hanja e culpable mes ora nan a cuminsa busca y por ultimo nan a bin topa cu F.C. cu tabata den Aruba Bar, kende en cambio ta bise cu ta J.R.G. tabata stuur. Polisnan a bai cas di G. na unda nan a hanjele, y esaki a declara mes ora. E no tabatin rijbewijs.

Pleitu

R.S. a informa polisnan cu e cu J.K. M.C. y B.C. a bai busca sartu na Fontein, pero cu aya M.C. y B.C. a pega pleitu cu otro mientras K. tambe a hinka su curpa den.

K. cu tabata burachi a camina bai den direccion di laman, pa cual notio e y la corre pone polisnan na altura. Mes ora polisnan di Santa Cruz a sali pa e lugar endica y a hanja K. y B.C. kende tur dos tabata herida. Polisnan a delene nan na warda pa nan curpa drecha.

FATUM — Tel.: 1845
Pa tur bo aseguranan

Bicicleta a dal mucha

Telefonicamente polisnan a worde informa cu B.C. riba bicicleta a dal B.D. di 11 anja. E mucha a hanja algun golpi na su curpa y tata di C. a priminti di paga e gastunan di dokter.

Pelea cu resultado serio

Diasabra tabatin un pelea na Root Bosal entre I.F. y P.F. E ultimo a dal e otro y a shop e, y a causa un slagaderlijke bloeding na lip di I.F. E la worde hiba pa hospitaal.

Mas peor

Diadomingo atardi polisnan a worde avisa di un pelea banda di Union Bar. Despues cu polisnan a kita e brindadornan foi otro, ta resulta cu J.T. tabatin un corta hundu riba su frente, un corta di 20 centimeter di su stoma. E homber cu tabata sangrando hopi naturalmente cu hopi trabao a



E DI MIHOR: — Di e cadetnan cu a gradua e anja aki di Academia Militar West Point, Cadet James L. Abrahamson, di 21 anja di edad, a sali cu mihor punto den tur cursonan academico.

worde transporta pa San Pedro Hospital, na unda dokter Hazenberg a cose e heridanan. Despues J.T. por a bai cas cu su mama. E culpable N.A. cu tabatin un corta na su man, a keda deteni.

Dalmento

Pa motibo cu e chofer B.A. di A-7440 den cruzamento di B.v.d. V. Zeppenfeldstraat y Helfrichstraat no a duna e trafico riba su man e preferencia di caminda manera mester ta, e homber R.A.L. cu tabata riba bicicleta a worde accidenta. E bicicleta a hanja danjo di f 100.—. Por lo de mas e homber mes a salba fortunadamente.

Hanya

Mercedes Loefstok a hanja un sembré di mucha lora den un sacu di papel banda di misa Catolico na Oranjestad. Willy van den Berg di P. Stuyvesantstraat 17 a hanya un renchi di oro banda di R.K. Militair Tehuis na San Nicolas. Marcial Koek di Reseda straat 21 a hanja un holoshi di dama banda di e mercado na San Nicolas.

(E ta sigui na pag. 4)

Volksuniversiteit Aruba ta start un curso di fotografia

ORANJESTAD: — Volksuniversiteit Aruba ta anuncia su prome curso di fotografia. E curso aki lo dura seis siman y lo termina pa fin di juli. Intencion dje curso ta pa cuminsa sinja conoce e camara manera mester ta. Tur detalle tocante e camara lo ser deseñi y splica. Senyor Steenwijk ta pensa di duna e curso di tal manera cu tur hende complica cu ta importante pa experto-

SINDS IK OP EEN

Caloric gasfornuis
kook - smaakt alles voortreffelijk

Bekroond met de 'Gold Star Award'

Palais Royal
Oranjestad

Bij aankoop van een **Caloric** GRATIS een **PLASTIC DINNERSET**

Aruba N.V.
San Nicolas

Campion di ping pong di Surinam ta bini Aruba

ORANJESTAD: — Pa e hungadornan di ping pong na Aruba ta agradable pa tende cu asina corto despues di e demostracion di Fujii, otro campeon mas ta bin hunga na nos isle. Ta cierto cu G. Markiet, e campeon di Surinam, no ta dje clase di Bergmann, pero sin duda e ta mas fuerte cu nos mes hungadornan.

Senyor G. Markiet, campeon di ping pong 1959 na Surinam ta actualmente na Corsow. A.T.T.A. a invitele pa bin hunga algun wega na Aruba y fin di siman entrante e hungador Dutch aki por worde admira na Aruba. Na Corsow e ta gana diferente dje conocido hungadornan fuerte manera Davelaar, Bakhuis y Coffie.

Diasabra 20 di Juni ples, senyor Markiet lo mester demostra si ta berda cu e ta mas fuerte cu Johan Jacobs, Mario Croes, Dr. Puren William y Mario Bergen. Den Club Surinam di 8'or di anochi e lo enfrenta e hungadornan mas fuerte di Aruba. Diadomingo 21 di Juni lo tin algun wega mas den jeugdcentrum na Dakota y por ultimo e campeon final pa e campeonato di A.S.U.

5a Olimpiada ta continuando

E encuentronan pa e 5a Olimpiada di A.S.U. ta continuando keto bai. Den

Demonstracion di como 200 Congolees na Usumbara

Tanganyika, 16 juni: — Como 200 Congolees a tene un destruction awe gritando „Independencia“ ora cu e ministro Belgico pa Congo, Van Hemelrick, a yega Usumbara, na lago di Tanganyika.

Poliznan na Bukavu a arresta 5 hende blanco en conexion cu incidentenan cu a tuma lugar na Bukavu diasabra, na yegada di ministro Van Hemelrick. 70 hende blanco a tira e auto di Hemelrick cu tomates putri.



BRUIDEGOM A MURI NA CAMINDA: — Un bruidegom y su ruman homber cu tabata bai sirbi pa padrino, no a yega nan destino. Na caminda pa cas di bruid nan tabatin un choque fatal, cu a causa bida di e bruidegom, Donald Stoffel y di su ruman Bernard, kende nan ta poniendo riba un baar. Nan a bai pasa un auto, sin a paga tino cu tabatin un auto ta bini di direccion opuesta.

PLUS — FOUR
de meest verfrissende drank, in de grote fles voor weinig geld
VICTORIA BOTTLING Co.
Phone 5192



„Kiko bo ta hari... bo ta laat na appél!”
„Abo lo no hari si bo a caba di ricibi un
bunita canica pa cambio di 24 botter di
AMSTEL bashi?”

Herdad, ku battenan maron bashi di CERBEZ AMSTEL tin bator!
Cambia 24 die botteran aki pa un bunita canica original di AMSTEL.
(por escoge entre seis color) af 0.75 cerca:

AMSTEL
BIER

BAARDSE TRADING Co Inc
Aruba.

E. F. DEBROT Inc.
Aruba.

AMSTEL
BIER

VOLKSUNIVERSITEIT - ARUBA


CURSO DI FOTOGRAFIA

Proxim anochi 19 jun! — Ta dura 6 shan — Buo direccion di Sr. Steenwijk.
Na Centro Cultural pa 8.15 'or.

Inscr. bi cerca: Sr. Ferrol, De la Sallestraat 11 — Oranjestad.
St. v/d Bergh, Brinyewijk 31 — Savaneta.
Miembros: Fl. 2.— No-miembros: Fl. 8.—

*cool idea... air
condition now!*

Uncle Ben's
CONVERTED
LONG GRAIN RICE



**Helps grow
healthier bodies
because it gives
you twice the
natural B vitamins of ordinary rice**

E POBRECITA HEURFANA

pa: Tuyuchi

No. 12

Indudablemente, Madame Richemont, Y awor e traje pa corre cabai".
Mylady sa cu nos a larga haci segun bo prescripcionnan y na e mediano cu tin e anja aqui na Hyde-
park den e verano aki, cu ta com-
pletamente distinto dje moda cu tin
actualmente na Bois".
"Si, Esei mi sa, Madame Richemont,
asiña tabata mi deseo".
"E mantelnan di banjo y e batanan
pones pa sista despues dje trata-
miento curativo lo mi larga trece den
uso di dia".
"Famoso, madame Richemont. Y
hij cu ricibo?"
"Pero esei no tin usina tanto apudo,
Mylady?"
"Mi tambe ta comprende, Madame
Richemont. Pero bo mes sa con mi
union ta respecto e punto ei. Haci
un favor y entrega mi e ricibo".
Madame Richemont no a vacila
largo y a saca e ricibo foi su sa-

gu, no obstante e 5697 franc cu lo e
ricibi unbez.
"E temporada silenciosa ta tra-
porta Mylady y tur hende ta bando-
nando Paris", e muhe a responde.
"Lo bo haci ami y Micheline, un
gran favor", Lady Blight a insisti.
"N' ta 'sina? Mi querida Micheline?"

E palabra SI a resona masha peño-
sa foi boca di Micheline. Tabata im-
posible pa Lady Blight a larga di r.
para y comprende esaki. Sin embargo
e muhe di nobela aqul a persisti den
su opinion diciendo:
"Ami personalmente lo bo haci un
gran favor di tuma Sra Micheline
mas pronto posible den bo servicio.
pasobra mi tambe ta para a punto di
bando Paris. Y prome cu e tempo ei
mi quier tin e seguridad cu e ta na
un bon camina".
"Prome di morto di su majornan,
Sra Micheline tabata gana cerca mi
40 franc pa siman, Mylady. Durante
e temporada aqul cu no tin ningun
actividad ta imposible pa mi por si-
gui pag'e e suma ei".
"Esei n' ta importa", Lady Blight
a dura pa contesta. "Pero mi inten-
sion ta di mira e hobecita aqul den
su profesion y den un bon cas. E di-
ferencia di pago lo mi completa p'e

durante e temporada muerto".
"Si 'asina, anto no ta resta mi nada
mas di haci", Madame Richemont a
bisa. "Y ta qui dia e Sra por bini?"
"Qui dia bo por bai bo trabao tro-
be, Micheline?"
"Qui dia cu bo ta desea, Mylady".
Micheline a responde y e tabata trata
na dionina e lagrimanan cu e tabata
sinti ta bini.

"Anto Madame Richemont a probe-
cha dje ocasion diciendo:
"Larga nos bisa otro majan-anto".
"Famoso. Mi mes lo larga trece mi
protector na bo taller, Anto Madame
Richemont, larga nos bisa te otro ma-
jor".
CAPITULO VII.
Ya ta haci tres dia caba cu Miche-
line Bonnard tabata traha trobe na
su empleo di antes, cerca Madame
Richemont na Rue Rivoli.
"Riba suplica di Lady Blight y di
dije donje dje kua a pon'e traha
den e seccion "Broderie".
E seccion aqul tabata un cuartito
especial abao di cual tabatin bon-
tanan graba di abri den un patio.
Y e dianan di Juni aqul tabata ma-
sha cla.
"Lo di violencia, e chef di de-
partamento, Madame Finon, tabata
aqui ocho hobecita ta pone e gami-

turanan di kanchi riba kanchinan of
ta pone e picanan borda riba traje
of tailes, cu tabata bini completamen-
te cla foi e taller dje coupeur.
Awe tur cos tabata bai masha agra-
da den e "Broderie".
Tabata Diasabra, un Diasabra den
luna di Juni, un dia liber di 24 ora
den perspectiva pa e mucha muchanan.
Pa 6'or di atardi Madame Richemont
a anuncia termino di trabao
Tur e mucha muchanan a sali harendo
y charlando ta bai den e Paris tur
florescente y creciente di principio di
Juni y na tabata contento pasobra
ta te Dialuna trobe nan mester a bi-
ni trabao.

Masha contento y muchanan aqul
tabata, pasobra nan por a diberni nan
enter Diadomingo y Diasabra anochi
minera nan tabata desea.
Ya caba e blondina Aurora Brogje,
quende tabata e mucha muhe di mas
dibertido y pret dje luga aqul a war-
da su angua, feneta y vingerhoed ca-
ha y no tabata vale la pena pa cumi-
za cu nadin mas pasobra ya tabata
cuarto pasa di seis'or.
Ta p'esel e tabata sinti ta comben-
sa cu masha animacion cu e mucha
muhe cabel pretu cu jama Madeleine
Raimond.
E ta sigui

PAGINA TRES

GRAN DIFICULTADNAN TROBE TA REINA NA YEMEN

BEIRUT, 16/6. — Na Aden dua a
ricibi informacion cu tin dificultad-
adnan na Yemen. Ehercito, cual su di-
rectiva a ser reorganiza algun tempo
pasa pa Emir El Badr, e principe re-
gente, aparentemente a tuma poder
over na Iuez, capital di Yemen, y na
Hodeida, un ciudad di haf na Mar
Rojo. E principe regente ta na Sanaa
desde algun tempo. El a bai aqul en
conexcion cu un rebelion dje guarni-
cion local contra e gobernador di
Sanaa. E gobernador a ser arresta ri-
bi order di Emir Badr y awor e mester
worde huzga. E regente a duna va-
rios lider militar nan retiro y el a an-
nuncia reformacionnan drastico den
gobierno, e trupanan di seguridad y
cuerpo di poliznan. Durante e ultimo
dianan aki el a pidi y hanja fortifica-
cion pa e poliznan y instructonnan mi-
litar di Republica Arabe Uni.

Radio Cairo a informa awe, cu a-
jera Emir Badr a ricibi, lideman mili-
tar y di varios tribu, cu a expresa
cerca dje nan simpatianan di lealtad
na Rey Adnan. Na mes momento, e
lideman yemenita a condena e ru-
moronan imperialista, cu ta circula den
estrangeria, respectu e situacion inter-
na na Yemen, asina e radiodifusora a
bisa. Na fin dje Audiencia Emir Badr
a condena e manobranan di distrac-
cion di imperialismo na Yemen y el
a declara cu lo e no hesita, pa supri-
mi severamente cada esfuerso pa stro-
ba paz publico.

A ser inform pa e agencia frances
di noticia, cu e noticia di radio Cairo
evidentemente a ser transmiti, pa des-
menti e noticianan di Medio Oriente
respecto dificultadnan nobo na Ye-
men.

Circulonan bon inform na London
ta bisa cu e rumoronan respectu un
golpe di estado na Yemen ta masha
exagera. Foreign Office a ricibi infor-
macion segun cual, tabatin algun di-
ficultad menos grave di importancia

puramente local na Yemen durante e
ultimo dianan aki; nan no tin influen-
cia politico. Parce cu e intranquilidad
aja no ta di origen politico. Pero sola-
mente resultado di rivalidad personal.
Legacion di Yemen na London no
tabata por duna informacion tocante
situacion na Yemen.
E Imam di Yemen, Ahmad, actual-
mente ta na Italia pa tratamento me-
dico.

Algun corant ta critica gobierno Ingles

LONDON, 16/6. — Algun corant
ingles ta critica gobierno ingles pas-
obra J.B.T. Cowan, autor dje Plan
Cowan segun cual tabata posible pa
maltrata e micrombronan rebelioso di
Mau Mau, a hanja un condecoracion
di Reina Elizabeth di Inglaterra, na
ocasion di cumpleaños dje Reina. El
a ser nombra miembro dje orde di
imperio britanico. 11 miembro di Mau
Mau a muri den un campo di concentra-
cion di Kenia, como resultado di
maltrato. Awe Camara de los Comu-
nes lo discuti un mocion di desapro-
bacion di Partido Laborista, respectu
e asunto aki.

E corant liberal "News Chronicle"
a bisa cu e condecoracion ta "un error
terrible". E corant socialista "Daily
Herald" ta menciona "un insulto di
pueblo ingles y un provocacion pa e
africanonan".

Invitacion pa pro- testa na Honduras

TEGUCIGALPA, 16/6. — E aso-
ciacion di estudiantenan na Tegucigal-
pa (Honduras) a invita tur habitante
dje ciudad pa protesta contra presen-
cia dje comision di e organizacion di
estadonan mericano, na Tegucigalpa.
E comision lo yega aqul awe tardi y
nan a organiza demostracionnan di
protest den capital, en conexion cu
yegada dje comision. E comision lo
bishita Merca Central a peticion di
Nicaragua, pa investiga eventual in-
tervencion door di gobiernonan es-
tranhero den e asuntunan interior di
Nicaragua. Majan e comision lo bai
Managua y Diarazon el lo bai San
Jose (Costa Rica).

Welga pa derecho di bisti panja na Brazil

RIO DE JANEIRO, 16/6. — Tur
parti di mundo nan ta welga pa hanja
aumento di sueldo: na Brazil nan ta
welga pa hanja derecho di bisti panja.
E miembronan di personal di un
campo di desnudistanan riba e isla
cerca Rio de Janeiro, a dicidi di wel-
ga, mientras cu nan no hanja permi-
so di directiva dje campo pa bisti
maske ta un camisa. Actualmente no
ta haci masha calor riba e hemisfe-
rio sur, na unda winter casi a cumi-
za. E hecho cu laman ta cerca ta po-
ne cu temperatura ta zak mas; actual-
mente ta 15 grado riba nul na e lu-
gar ey.

Brion y Williams lo ricibi „waar- schuwing"

(Di nos sportreporter)

OSTAD: — Den nos edicion di ayera
nos a menciona di e incidente cu casi
na fin di e partido Aruba Jrs contra
Dakota, a tuma luga entre e hungador-
nan Doc Williams y Gochi Brion.

Referi Toy Hoek a informa na direc-
tiva di A.V.B. cu e riciba ambos for
di weg pa motibo cu nan a tuma po-
sicion pa bringa.

Den e caso aki, reglamento di AVB
ta bisa cu pa e promer biaha cu un
hungador wordo retira for di weg, pa
tuma un posicion di boxeador, e hun-
gador lo ricibi un „waarschuwing".

Tanto pa Williams como pa Brion
esaki ta prome biaha y asina ta cu nan
lo hanja un aviso di parti di directiva di
AVB.

Nos mester bisa cu ta menos mal, cu
ta asina e reglamento ta ya cu den e
caso cu nan lo a wordo castiga mas se-
vero, nan lo no por forma parti di e
seleccion cu lo enfrenta Corsow duran-
te e weekend venidero.

Como parti di e programa di A.S.U.
Olimpiada cu ta cuminsa diaVierna a-
wor tin dos partido di futbol entre se-
leccionnan di Aruba y di Corsow. Eka-
ninan lo ta diaSabra anochi den Wilhel-
minastadion y diaDomingo atardi den
Sportcentrum Noord.

Vincent Broustra a ser jama na Paris back

BELGRADO, 16/6. — E embah-
dor frances na Belgrado, Vincent
Broustra, lo bai Paris awe nochi. Su
gobierno a manda jame. E biahe dje
embahador tin conexcion cu e reaccion-
nan causa na Francia, como resultado
dje bishita reciente na Yugoslavia di
Ferhat Abbas, lider dje „gobierno
desterra argelino", y e comunicado
comun, cu a ser publica na Belgrado
en conexcion cu e bishita aki.

Cumplanjos feliz

Ta cumpli 1 anja e hobecito Fredi
Croes y ta ricibi felicitacion di su
tata mama, rumannan Truda y Fedi
Croes, tambe di su welonan y welo-
nan, tanta y omeda.

E chikiti Adichi Vrolijk ta cumpli
su promer anja di feliz existencia y
ricibi felicitacion di su tata Nadi,
mama Chena, rumannan Roy, welo y
wela, tantanan, especialmente di su
madrina Candida Vrolijk.

Un cordial pabien ta bay awe pa
e hobecita Linda Semeler, kende ta
cumpli anja awe, pa parti di su mama,
tata, rumannan Milda, Chida, Alena
y Enrique, tantanan Richi, Ovi-
Nini, amiguitanan Reia Figaroa,
Rietje Tromp y demas familia.

Schlitz Giants a gana Sta. Cruz Stars

Oranjeboom a supera
Lucky Strike
(Di nos sportreporter)

OSTAD: — E partidonan di clase A
tunga diaDomingo mainta den Wilhel-
minastadion tabatin e siguiente resulta-
donan: Schlitz Giants despues di ta den
un desventaja di 6-0 a logra gana Sta.
Cruz Stars cu score di 7 pa 6.

E otro partido entre Oranjeboom y
Lucky Strike a resulta un derrota pa e
cigarilleronan cu score di 6-3.

Declaracion di sir Richard Hull

SINGAPORE, 16/6/6. — „Singa-
pore lo keda e base militar ingles mas
importante na Lehanu Oriente pa hopi
tempu mas", asina general Sir Ri-
chard Hull, comandante supremo dje
trupanan ingles na Lehanu Oriente a
declara na un conferencia di prensa.
El a bisa ademais cu e trupanan di
imperio britanico lo keda staciona na
Malacca, en virtud dje pacto di de-
fensa cu Inglaterra y Malacca a fir-
ma.

Kerala a ser invadi pa unidadnan di ehército

TRIVANDRUM, 16/6. — Unidad-
nan di ehército indio a drenta e estado
indio Kerala cu ta bao di dominio dje
comunistanan, pa protega e propie-
dadnan di gobierno despues dje inci-
dientenan dje ultimo dianan.

Miembronan di marina di India ta
guardia e instalacion petrolero den e
haf Emakulam na costa occidental.

Today's most
exciting car
**AUSTIN
HEALEY
SPRITE**
Ready for you now at
**Warenhuis v/d Ree
La Victoria**

**Nutricia
MILK
POWDER**

DE ARUBAANSE KUNSTKRING
y
**SOCIEDAD PRO ARTE ESCENICO
di Corsow**
ta presenta
„SCHOOL DI AMOR"
Comedia den 5 acto, original di Moliere.
Version na Papiamentu di Eddy Pietersz.
Dia 20 di Juni pa 8.00 'or den Cultureel Centrum.
Entrada: Fl. 3.— (Miembro di Kunstkring Fl. 2.—)
Carchi na venta na Aruba Boekhandel y El Lupo na Oranjestad y
Aruba Post na San Nicolas.

Interrupcion di Corriente
Pa motibo di trabaoonan necesaria, corriente lo worde
interrumpi, diarazon 17 di Juni 1959, pa henter dia
den vecindaria di:
**PIEDRA PLAT
CASIBARI**
y tambe den vecindarie di Paradera, den cursa di dia
pa mas o menos 1 ora.
**N.V. ELECTRICITEIT-MAATSCHAPPIJ
„ARUBA"**

Pa avise y tur correspondencia pa „Ar-
ubaanse Courant" dirigib na:
„Nieuwstraat 44, Oranjestad."
Telefoon 1114. Direccion y Avise:
Telefoon 1116. Redaccion y Suscripcion
Numero 916. Direccion y Suscripcion
te salubel na Union Store,
Main Street, San Nicolas

AGENDA

DIAMARS 16 DI JUNI
CINE
DE VEER
8:30 Yaw' at live
KIALTO
8:00 Avestus 8.A
PRINCEPAL
8:00 Alona came James
AURORA
7:30 Badman's country
SAVANETA
7:30 Woman in a dressing gown

TAORO - MANGO juice

PATERA DI WARDA:
Zr. E. S. T. Brammiller, tel. 1359.
BOTICA DI WARDA
Oranjestad: BOTICA DEL PUERTO
San Nicolas: BOTICA SAN LUCAS

„A.A." Clubgebouw
(canto di lama dlan di Strand Hotel)
Habr: 11
Diasabra nochi di 7.30 'or: tel. 2341.

Pakiko camina di un tienda pa otro,
si bo por hanjele na
Kees Grocery n.v.
J. G. Emanstraat 30
Tel. 1079

RADIO VICTORIA
Diamars 16 di Juni
4:00 Musica di banda
4:15 Melodiaman di alma
4:30 E. Hubel habri
4:45 Momentos musicales
5:00 Academia del aire
5:15 Musica para cena
5:45 Tientos musicales
6:00 Ultimas noticias
6:15 Adelante juventud
6:45 Tientos musicales
7:00 Noleita na Duitandes
7:10 Concert Hour
7:45 The Bandstand
8:00 World News
8:10 Off the record
8:30 Eek to the Bible
9:00 Musical Gems
9:30 Unshackled
10:00 World News (repeat 8:00 news)
10:05 Items that live
10:20 Sign off

RADIO CARACAS TELEVISION
Canales 2, 7 y 10
Martes 16 de Junio
7:55 Himno Nacional
7:57 Informacion de los programas del dia
8:00 La de hoy
9:30 Peliculas de largo metraje
12:00 El Show de las doce
1:15 Su novela FabVoria
1:30 El imparcial TV
2:00 Peliculas de largo metraje
4:00 Club femenino
5:00 Casas de mujeres
5:30 La perfecta ama de casa
7:15 La novela Ace
7:30 No dia si... no dia no...
8:00 El observador Croce
9:15 Su novela Palmolive
9:30 Alfred Hitchcock presenta
9:00 La novela Canas
9:15 La novela L&M
9:30 Documental cinematografico
10:00 Actualidad publica
10:30 Cineprograma
12:00 Himno Nacional—Despedida

**OFICINA MARITIMA
DE ARUBA**
Tel. 1622
Formularios aduanas pa importa-
cion y exportacion de mercancías.

AVISO
Comandant Marinierskazerne
„Savaneta" Aruba, ta duna di cono-
ce en diarazon 17 di Juni 1959 entre
07.00 'or te 13.00 'or lo tin ejercicio
en mitrailador riba terreno di Cali-
fornia (Aruba).
Terreno peligroso lo wordu sti-
pula pa bandera corra y horechi di
aviso.

ADD, A PORCH
Your problems are
over - forever
ARUBA TRADING CO.
Deposito — Weststraat

EL CISCO KID

1) „Hopi Indian a balza. Di pronto nan a ataka. Mata y...“ „Calmu bo, tuma un poco awa.“ 2) Y e hombra ta apovecha di e dushi awa. 3) „Duné algo pa come prome cu e infeliz ey cai abao.“



JUAN EL INTREPIDO

1) „Idiotnan, pakiko bo no a separa manera Hunter y su amigo? Awor nan lo hanja e ultimo tercio na Macao.“ 2) „Nos no tabata sabi cu nan tabatin un duplicado di e boeki di Sprati. Y e polisnan ey... kiko nan ta haci ey?“ 3) „Nan a bin pa yuda mi sali for boso dos...“



DICK TRACY

1) Ora e horean a calma e awa a balza y e ventilador no a spiti mas awa. 2) Pero e polis ainda ta curioso pa sa di e cangha. 3) Y mientras e la hui coge cu su man e la grita: „OW!“ 4) „E la duna mi corriente“. „Di e cangha ey?“



RIP KIRBY

1) „Ainda Jenny Martin no ta responde, pero su porta ta habri. Mi ta bai drenta pa mira si mi por descubri algo.“ 2) „Oh... mi... eh... dispensa mi, señorita Martin...“ 3) Y na e vliegvelid internacional di New York: „Usa e porta no. 4 pa e vuelo pa Nassau.“ „Mi no por sigui warda Jenny. Di con e ta tarda asina?“



EL PRECIO DEL TRIUNFO

1) „Gabe y su socio ta remando pa e muelle. Quico bo ta bay haci awor, Leo?“ 2) „No meie bo aden, Leo! Bo mester proteje bo „neutralidad“, aunque bo a dal nan un bon sla ora a awisa mi di esquil!“ 3) „Cuidao, Leo! Gabe ta... un diablo!“ „Bay den auto y wrda aya, Leo! Mi ta prefera cu no tin testigo cu loque ta bay pasa awor!“




EL DIARIO DE UNA VIDA

1) „Quico bo a bisa nan, nana? Tu ta para cu un cara serio.“ „Mi a bisa cu un Rosillon ta casa cu un bende di su clase...“ 2) „Ta algo quizas cu bo no ta comprende... pero mi yiu y ami, sí!“ 3) „No! Nos caso ta masha sencillio... mi ta stima Eva y Eva ta stima mi! Nos quier casa cu otro. No tin problema!“ „E problema... ta... Bo ta bay mantene... o te lo mantene bo?“



PEPITA

1) „Bon lunga un rato den garage di Eddie.“ „Lo mi trata di sali pa porta di patras!“ „Quico?“ 2) Lo cenzo a sali topa cu tres cacho ta wak e. 3) E a bay pa un otro cuarto, e cachonan a sigui. 4) „Lo mi no logra asina! E cas ta jen di spion!“



Mocion presenta pa congreso Mericano

LONDEN — 50 Miembro di tur partido representa den camara de los comunes ingles a presenta un mocion, den cual nan ta insiti cerca gobierno ingles, pa lora un proposicion pa tene un conferencia na 1960, pa revisa carta di nacionnan uni, pa stimula paz mun-

Un desconocido a tira un bom den un cabaret na Port-au-Prince

Port au Prince, 16 juni: — Ayera nobi personanan desconoci a tira un bom den un cabaret na Port-au-Prince, di kende 3 ta damas, ta grave.

POSIBLE SUSPENSION DI WELGA NA PARIS

PARIS — E sindicatonan comunista-Cristian y socialista di empleadonan frances di ferrocarril, a informa awor, cu nan ta dispuesto, na suspende e welga si gobierno dredi di cuminsa discuti e problemanan respecta e salario. E decision pa suspende e welga a ser tuma na un reunion di liderian sindical, despues di anuncio di gobierno, cu e empleadonan esencial di ferrocarril lo worde obliga di traha.

Decision di gobierno Frances contra e welga di dia 16 di juni

PARIS, 14 juni — Ayera nochi gobierno Frances a afirma su decision pa obliga e miembronan di personal cu ta esencial di traha, dia 16 di juni aki, si e empleadonan ferrocarril mantene nan intencion di welga, den un comunicado. Mayan mainta delegadonan di sindicatonan di ferrocarril lo reuni.

PUNTRA POLIS

(Continuacion di pag. 1)

Mas pelea serio
Diadomingo mainta polisnan a worde awisa di un pelea cu machete na Savaneta banda di misa. Riba terreno di un cas aya banda polisnan a hanja e hombra M.W. cu su cabez herida, mientras tres persona tabata tenele drumi na suela. Dokter de la Fuente a yuda e victima prome cu nan a hibe pa Lago Hospital. E culpable H.L. a declara di a dal e otro cu un rema den su cabez. Segun nos a tende ayera tardi no tin peliger di bida.

Antenne tabata zwai
Diadomingo polisnan a worde awisa cu e antena di television cu tabata riba dak di Bar Caracas tabata zwai terribel y cu e por a kibra y causa desgracia. Net polisnan ta yega berdad e antena ta kibra. No tabatin ningun danjo personal.

Bolter
Den anochi di Diasabra pa Diadomingo e auto A-1937 a bolter banda di La Esperanza. Banda di auto polisnan a hanja tres hombra cu tabata bao di influencia di alcohol y nan ta declara cu F.D.M. tabata e chofer. Tur a worde hiba preso. E chofer cu a corre bai prome cu polisnan a yega, a worde garra despues y tambe a worde hiba preso, pa motibo cu e tambe tabata hopi bao di influencia di alcohol. Danjo na e auto f 800.—, mientras nan a kibra un borch di trafico.

Sistema chine
Diasabra polisnan a pasa e caso di M.S.L. pa recherche. Nan a hanja L. tabata sangrando terribel for di un wovo, e ta declara cu e la bringa cu C. y cu C. a hinka dede den su wovo intencionalmente. E victima a worde hiba pa hospital.

Sistema antiguo
E atardi ayi wachicomandant na Oranjestad a worde informa cu un tal J.I.M. a mara mannan di su jiu hombra di 9 anja I.M. y despues a marele na pia di un werbank pafor. E tata a bati e jiu cu un waya di luz, despues a tira un hembra di awa di pos riba dje y despues a bolbe batele cu e waya. Ora cu polisnan a bin salba e muche e tabatin 15 herida riba su lomba. E la worde hiba pa San Pedro Hospital mes ora y e „tata“ a worde hiba den un cel.

Mal slip
Den Eagle Bar S.P.H. tabata sali di un W.C. a slip, e la hanya un corta bao di su cachete y despues cu nan a yudele cu su herida e la worde detene na warda pa e desembriga.

Protesta di gobierno Mexicano na Merca

WASHINGTON, 16/6. — Gobierno di Mexico a protesta cerca gobierno di Merca contra e hecho, cu Merca ta basha sushi atomico den pacifico, no leu for di costanan di Bajo California, asina fuentenan bon informa a bisa. Ni fuente mexicano ni fuente mericano no tabata por afirma e noticia aki oficialmente. Circulan bon informacion a bisa cu e protesta mexicana ta „altamente confidencial“.

Gobierno di Mexico aparentemente a informa gobierno mericano, cu e tin obheccion contra e bashamento di sushi atomico den laman, na lugarnan na unda e sushi aki por pernicia piscanan of por influencia opinion publico mexicano desfavorablemente. Observadonan ta di opinion cu gobierno mericano a scucha e peticion di Mexico cu bon voluntad.

Decision di gobierno Frances contra e welga di dia 16 di juni

PARIS, 14 juni — Ayera nochi gobierno Frances a afirma su decision pa obliga e miembronan di personal cu ta esencial di traha, dia 16 di juni aki, si e empleadonan ferrocarril mantene nan intencion di welga, den un comunicado. Mayan mainta delegadonan di sindicatonan di ferrocarril lo reuni.

E vapor „Ocean Layer“ a cende na Candela

Den Haag, 16 juni: — Tur e nabegantenan dje bapor di cable Ingles di 4534 tonelada, „Ocean Layer“, cu a cende na candela na un distancia di 600 milla parti suroeste di Irlanda, a ser hiba pa seguridad ayera nochi.

Botonan di e bapor Aleman di 3226 tonelada, „Flavia“, a tuma e 98 nabegantenan over y a hiba nan a bordo dje bapor Aleman.

Dennis, de schrik van de buurt!



„Dat mams? Dat is mijn voorraad avondrank!“
Esal, mama, ta mi provision di behida di anochi.

Opinion di „New York Times“ respecto asunto di Alemanja

NEW YORK, 16/6. — E corant mericano „New York Times“ a scribi: „Lo mehor cu e delegacion occidental ta spera na e momento aki di e conferencia na Ginebra ta „un rapport comun dirigi na e lidernan di gobierno respectu e varios opinionnan en conexion cu Berlin occidental, reunion di Alemania y seguridad di Europa“.

„Pero ta posible cu e pronosticacion aki lo no sali, pa motibu dje reaccion cu nan ta spera di Rusia, riba e anuncio, cu e discusionnan improductivo aki no ta hustifica un conferencia supremo.“

„Algun diplomata occidental na Ginebra ta di opinion, cu despues di un tal anuncio punto di bista di Rusia lo demostra un atencencia poco poco, pero elaro, pa concesion“.

„Ta existi hopi diferencia di opinion den e delegacionnan occidental respectu e momento cu nan mester tuma e paso diplomatico aki: presentacion oficial di proposicionnan respectu Berlin occidental y un aviso inoficial na Gromyko, cu e conferencia lo termina cu masha poco speranza di un conferencia supremo, si Rusia rechaza e proposicionnan aki.“

„E delegacion ingles ta desea di bai poco poco. E diplomatan ingles ta keda convencido, cu un taktiek cuidadoso na asambleanan secreto lo por efectua cu Gromyko lo por haci un concesion mas cu lo duna este oeste oportunidad, di yega na un acuerdo respecto un arreglo provisional pa Berlin occidental. Pero, asina nan ta admiti awor, un tal diplomacia lo tin resultado solamente si Gromyko ta consiente dje hecho, cu lo tin conferencia supremo, sin cu ta existi acuerdo respecto e asunto aki.“

Decision di sindicatonan Frances

PARIS, 16 juni: — E sindicatonan Frances a dicidi awe tardi di no larga e miembronan d personal di ferrocarril welga majan.

E sindicatonan a declara cu nan a dicidi di suspende nan plannan di welga, en bista di un promesa cu Buron, ministro di trafico y obranan publico, a haci, pa revisa e sueldonan na november, y cuminsa discusion otro siman respecta aumento dje premonian di eficacia miembronan di personal di ferrocarril.

E sindicatonan lo reuni diahuebs, pa discuti kiko nan lo haci. E proposicionnan di gobierno no ta pone un fin na conflicto entre personal di ferrocarril y e autoridadhan, asina e sindicatonan a informa.



Bulando foi Albania pa New York City, Peter M. Bowers ta demonstrando controlnan di un arte cu el a inventa of construi na anja 1910 di un model Curtiss airplane. Tumando foi un avion bulando na banda, e portret aqui tambe ta show e servicio Naval, pa Bowers. E ultimo ta terminando e trip di 140 milla pa Idlewild Airport, New York den tres ora y mei, siguiendo Hudson River entre e camina. Bower quende ta un piloto instructor di Boeing Aircraft Corp. na Seattle, Washington, a bula na un altura di 1.500 pia, duplicando e vuelo haci pa e pionero di aviacion Glenn Curtiss 49 anja pasa.